

**BOSNA I HERCEGOVINA**  
FEDERACIJA BOSNE I HERCEGOVINE  
TUZLANSKI KANTON  
OPĆINA BANOVIĆI



**БОСНА И ХЕРЦЕГОВИНА**  
ФЕДЕРАЦИЈА БОСНЕ И ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ

Tel. 035 743 458 | Fax 035 743 458

Web: [www.opcina-banovici.com.ba](http://www.opcina-banovici.com.ba) Adresa: *Ulica Alije Dostovića br.1, 75290 Banovići*

---

# SLUŽBENI GLASNIK OPĆINE BANOVIĆI

Godina 16.  
Broj: 16.

*Banovići, 31.10.2013. godine*

## SADRŽAJ

Zaključak kojim Općinsko vijeće Banovići traži od PS Banovići, MUP-a TK, Kantonalnog Tužilaštva, Komisije za borbu protiv korupcije Skupštine TK postupanje i izjašnjenje po HITNOJ proceduri .....	3
Zaključak kojim Općinsko vijeće zahtijeva izjašnjenje od Općinskog pravobranioca.....	8
Zaključak kojim Općinsko vijeće Banovići obavještava javnost.....	9
Zaključak kojim Općinsko vijeće zahtijeva od pomoćnika načelnika za budžet, finansije i inspekcijske poslove da dostave fotokopiju Elaborata i pomoćnika načelnika za prostorno uređenje i stambeno komunalne poslove kopiju zapisnika.....	10

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA BANOVIĆI**  
**OPĆINSKO VIJEĆE**

Broj:10/01-02-389/13.  
Datum, 30.10.2013.god.

Na osnovu člana 13.Zakona o principima lokalne samouprave u FBiH (« Sl.novine FBiH», broj 49/06), člana 25. Statuta općine Banovići (« Sl.glasnik općine Banovići», broj 3/08,11/11), člana 96. Poslovnika općinskog vijeća Banovići (« Sl. glasnik općine Banovići», broj 7/06, 9/11), Općinsko vijeće Banovići na 17.redovnoj sjednici održanoj dana 30.10.2013.godine, razmatrajući Zahtjev za postupanje i izjašnjenja po hitnoj proceduri radi sankcionisanja počinjenih i sprečavanja novih krivičnih djela zbog osnova sumnje da je Općinski načelnik Bego Birparić počinio krivična djela organizovanog kriminala, zloupotrebe položaja i ovlasti, samovlašća i sticanja protivpravne imovinske koristi , donijelo je slijedeći:

## **ZAKLJUČAK**

### **I**

Općinsko Vijeće Banovići traži od PS Banovići, MUP-a TK, Kantonalnog Tužilaštva, Komisija za borbu protiv korupcije Skupštine TK postupanje i izjašnjavanje po **HITNOJ** proceduri radi sankcionisanja počinjenih i sprečavanja novih krivičnih dijela zbog osnova sumnje da je Bego Birparić počinio krivična djela organizovanog kriminala, zloupotrebe položaja i ovlasti, samoovlaštenja i sticanja protivpravne i imovinske koristi a radi postojanja osnova sumnje da je općinski načelnik Bego Birparić počinio sledeća krivična djela:

#### **1. GRUBO KRŠENJE ZAKLJUČAKA OPĆINSKOG VIJEĆA U SEGMENTU KAPITALNIH ULAGANJA**

Zaključkom Općinskog vijeća Banovići broj. 10/01-02-237/11 od 03.11.2011.godine pod:

- a) usvojena je Odluka o određivanju i usvajanju Plana kapitalnih investicija općine Banovići za period 2011-2013.godina uz brisanje više stavki sa liste i dodavanje stavke“Rekonstrukcija i asfaltiranje puteva na području općine Banovići.
- b) zadužen je koordinacioni tim da uradi listu svih putnih pravaca za rekonstrukciju i asfaltiranje koja će biti sastavni dio dodate stavke „Rekonstrukcija i asfaltiranje puteva na području općine Banovići“.

Obaveza općinskog načelnika bila je da od koordinacionog tijela zahtjeva pomenutu listu i istu dostavi Općinskom vijeću na usvajanje. Međutim, općinski načelnik je ignorisao postojanje koordinacionog tima, od istih nije tražio nikakvu listu, nego je samovoljno vršio asfaltiranje puteva izabirajući lokacije po vlastitom nahođenju.

Prema našim saznanjima pored niza tako izvođenih radova nabrojat će mo samo neke:

- Asfaltiranje puta pored vlastitog stambenog objekta tj. Pored kuće Bege Birparića,
- Izgradnja rezervoara u mjesnoj podružnici Durakovići,
- Sanacija klizišta u MZ Omazići na dionici puta Čolići,
- Asfaltiranje platoa ispred O.Š. „Banovići“,
- Vanjsko uređenje kod vjerskog objekta (džamije) u Treštenici,
- Zahvatanje dodatnih količina vode u V.M. Zlača,
- Izgradnja rasvjete po sportskim poligonima,
- Oblaganje stepeništa po pasažima,
- Asfaltiranje svih puteva na području Općine Banovići.

## **2. NENAMJENSKO TROŠENJE SREDSTAVA-POSEBNA NAKNADA ZA POSJEČENU DRVNU MASU PO ODLUCI OPĆINSKOG VIJEĆA BR. 12/01-02-271/09**

U skladu sa članom 62. Zakona o šumama JP "Šume TK" dd Kladanj ima obavezu da po osnovu posječene drvene mase svakoj općini pa i našoj uplaćuje sredstva koja se namjenski troše za finansiranje i izgradnju i održavanje infrastrukture nerazvijenih područja.

U skladu sa naprijed navedenim Općinsko Vijeće Banovići je trebalo da donese posebnu odluku o proglašenju posebnih dijelova Općine nerazvijenim.

Na 12. sjednici Općinsko Vijeće održanoj 30.09.2009. godine je donijelo takvu Odluku br. 12/01-02-271/09. od 30.09.2009. godine.

Općinski načelnik je samo u 2009. godini ova sredstva namjenski trošio. Od 2010-2013 godine ni jedan fening ovih sredstava (a radi se o iznosu oko 150.000,00 KM) nije namjenski utošen u ove mjesne zajednice što je grubo kršenje ovlasti i zloupotreba položaja.

## **3. NEPREDUZIMANJE OBAVEZNIH ZAKONSKIH RADNJI U CILJU ZAŠTITE IMOVINE OPĆINE BANOVIĆI**

U objektima u Grab potoku Komisija za redovan popis 2012. godine pronašla je manjak inventara veoma velike novčane vrijednosti, iako su navedeni objekti osigurani i u periodu koji je prethodio popisu nije prijavljeno ni jedno provaljivanje u navedene objekte, nije preduzeo obavezne radnje u pogledu utvrđivanja odgovornosti za navedeni manjak.

## **4. NESUSPENDOVANJE DRŽAVNOG SLUŽBENIKA I NEPOKRETANJE DISCIPLINSKOG POSTUPKA PROTIV FUADA BRIGIĆA**

Kantonalno tužilaštvo je svojim aktom obavijestilo Općinsko vijeće da je protiv Brigić Fuada, pomoćnika načelnika za opću upravu, društvene djelatnosti, BIZ I zajedničke poslove pod brojem T03 0 KT 0005692 09, dana 11.05.2012. godine podignuta optužnica što je kao službena osoba u Federaciji iskorištavanjem svog službenog položaja pribavio drugom korist čime je počinio krivično djelo – zloupotreba položaja ili ovlaštenja iz Člana 383 Stav 1 KZ FBiH.

Općinski načelnik je shodno Članu 59 Zakona o državnoj službi u FBiH bio dužan ODMAH da suspendira državnog službenika ( " Ako se pokrene postupak u skladu sa članom 58 ovog Zakona, rukovodilac organa državne službe dužan je državnog službenika odmah da suspendira u slučajevima: a) Ako se protiv državnog službenika pokrene krivični postupak za krivično djelo počinjeno u vršenju službene dužnosti i / ili b ) Ako se državni službenik nalazi u pritvoru" ).

U ovom slučaju ne da je pokrenut krivični postupak već je podignuta i optužnica I to 11.05.2012 godine. Općinski načelnik, iako je dobio dopis Kantonalnog tužilaštva nije suspendovao državnog službenika niti je pokrenuo njegovu disciplinsku odgovornost iako I to nalaže Zakon o državnoj službi.

Na ovaj način, općinski načelnik je nesuspendovanjem državnog službenika I nepokretanjem disciplinskog postupka, kao službena osoba iskorištavanjem svog položaja pribavio imovinsku korist Brigić Fuadu na način da mu je omogućio da I dalje obnaša dužnost pomoćnika općinskog načelnika, odnosno da ima sva prava kao I državni službenici protiv kojih se ne vodi krivični postupak, kao I da imenovanjem u različite komisije I učestalim službenim putovanjima kako u okviru BiH tako I van BiH ( Hrvatska, Poljska ) nezakonito naplaćuje sredstva sa budžeta Općine čime je počinio krivično djelo "zloupotreba položaja ili ovlaštenja" iz Člana 383 Stav 1 KZ FBiH.

## **5. NEPOKRETANJE ZAKONOM UTVRĐENE PROCEDURE ZA OBEZBJEĐENJE BUDŽETSKIH SREDSTAVA**

Općinski načelnik, iz samo njemu poznatih razloga, nije pravovremeno pokrenuo proceduru oko sredstava koje Tuzlanski kanton uplaćuje na budžet općine što je dovelo do blokade općine, opasnosti po likvidnost, te kao uzročno posljedičnu radnji imalo nepoštivanje obaveza općine prema javnim preduzećima i javnim ustanovama što dovodi do upitne likvidnosti javnih ustanova i javnih preduzeća, te isplate plaća i drugih zakonom utvrđenih obaveza zaposlenim u javnim ustanovama i javnim preduzećima.

## **6. NENAMJENSKO TROŠENJE SREDSTAVA MINISTARSTVA PROSTORNOG UREĐENJA TK**

Općina Banovići je krajem 2012. godine na zahtjev Ministarstva prostornog uređenja TK kandidovalo 4 projekta:

1. Čišćenje i uređenje putnih pojasa uz regionalne puteve 16.000,00 KM.
2. Toplifikacija suda Općine Banovići 30.000,00 KM.
3. Izrada glavnog projekta toplifikacije grada Banovići 70.000,00 KM.
4. Uspostava komunalnih redara 40.000,00 KM.

Iako je već odavno prošlo vrijeme za implementaciju ovih projekata, projekti pod rednim brojem 2, 3 i djelimično 4. nisu implementirani. Razlog za ovo je što je općinski načelnik namjenska sredstva utožio u druge svrhe. Posledica ovakvog ponašanja su uskraćena sredstva u iznosu od 40.000,00 KM kao i nemogućnost apliciranja općine Banovići u narednoj godini.

Iz svega navedenog proizilazi da je načelnik grubo prekršio svoje ovlasti, te počinio štetu budžetu općine Banovići.

## **7. IZVOĐENJE RADOVA NA IZRADI KANALIZACIONOG KOLEKTORA MUŠIĆI-MAŠINOREMONT U MZ PODGORJE**

Prema našim saznanjima općinski načelnik je krenuo u implementaciju projekta izgradnje kanalizacije u naselju Mušići, a da predhodno nije obezbijedio odobrenje za gradnju niti je odredio nadzorni organ u skladu sa zakonom o prostornom uređenju i građenju.

Čak šta više načelnik je grubo prekršio zakon jer je izdao ovlaštenje za vršnje nadzora državnom službeniku, a u međuvremenu provodio proceduru za izbor nadzora sa firmom za koju isti državni službenik daje povremene usluge ( a da mu predhodno načelnik nije dao saglasnost za to ). Isto tako za ovaj posao Općina je dobila predponudu u vrijednosti oko 45.000,00 KM da bi na kraju zaključio posao na iznos oko 60.000,00 KM.

Iz naprijed navedenog može se zaključiti da postoje osnovi sumnje za koruptivno djelovanje Bege Birparića, te postojanje organizovanog kriminala i produženih krivičnih djela, pri čemu je pričinjena šteta građanima i lokalnoj zajednici zbog nepoštivanja plana kapitalnih ulaganja, budžetu općine zbog blokade transakcijskog računa i državnoj zajednici zbog neplaćanja zakonom utvrđenih poreza.

## **8. NEPOŠTIVANJE ZAKONSKE PROCEDURE U REALIZACIJI ODOBRENIH I NEODOBRENIH RADOVA**

Prilikom izvođenja radova, bez obzira da li se radilo o radovima odobrenim od strane nadležnog organa ili radovima izvođenim po vlastitom nahođenju, nije poštovana zakonom propisana procedura odnosno prije izvođenja radova nisu postojali projekti za iste po kojima bi radove izvodili odabrani izvođači.

Zbog nepostojanja projektne dokumentacije nisu utvrđeni osnovni parametri tako da se, po vlastitom nahođenju općinskog načelnika, na različitim lokacijama, vršilo različito asfaltiranje u pogledu širine asfaltiranih dionica i dubine asfalta tako da su pojedine putevi asfaltirani širinom asfalta od 3 do 3,5 metara, dok su druge dionice dok su druge dionice kao put u Gornjim Pribitkovićima gdje se nalazi porodična kuća Bege Birparića asfaltiran širionom od 4 metra asfalta.

Nakon završetka radova za iste nije pribavljena upotrebna dozvola, a u slučaju da Komisija nije htjela primiti određene radove zbog nepoštivanja ugovora Komisija je smjenjivana i pronalazeni novi članovi koji će potpisati zapisnike o primopredaji urađenih radova.

## **9. NENAMJENSKO, NEPLANIRANO I SAMOVOLJNO TROŠENJE SREDSTAVA I PRIČINJAVANJE MATERIJALNE ŠTETE**

U zoni „B“ za projektom utvrđene radove odobrena su sredstava Fonda za zaštitu okoliša u iznosu od 100.000,00 KM a prema reduciranju projektne dokumentacije utrošeno je 83.000,00 KM od čega cca 20.000,00 KM utrošeno na izgradnju kolektora ispred vlastitog stambenog objekta općinskog načelnika.

## **10. IZVOĐENJE RADOVA NA PLATOU O.Š. „BANOVIĆI“ U BANOVIĆIMA**

Pomenuti radovi su izvođeni bez zakonom propisane procedure.

## **11. ASFALTIRANJE PRILAZNOG PUTA I PLATOA ISPRED MESDŽIDA U NASELJU MRLJEVIĆI**

Pomenuti radovi su izvođeni bez zakonom propisane procedure.

## **12. UREĐENJE POLIGONA KOD O.Š. „GRIVICE“ BANOVIĆI**

Pomenuti radovi su izvođeni bez zakonom propisane procedure na uređenju pligona, koritu rijeke, uređenju tribina i nabavci materijala.

## **13. ASFALTIRANJE PUTA ISPRED KUĆE BEGE BIRPARIĆA**

Pomenuti radovi su izvođeni bez zakonom propisane procedure gdje su radovi izvedeni prije zaključenja Ugovora o izvođenju radova, te je došlo do kršenja plana kapitalnih investicija.

## **14. KOPANJE KANALA I POSTAVLJANJE ODVODNIH CIJEVI U ZONI „B“**

Pomenuti radovi su izvođeni na način da su sa istim izvođačem parcijalno sklapani poslovi kako bi se izbjeglo poštivanje Zakona o javnim nabavkama.

## **15. NEPLAĆANJE ZIMSKE SLUŽBE I ČIŠĆENJE KANALA PORED LOKALNIH PUTEVA**

Radovi u ovom dijelu su izvođeni prije 3 godine pri čemu nije poštivana zakonska procedura niti je izvršeno plaćanje usluga u zakonskim rokovima, što je za posljedicu imalo i neplaćanje PDV-a.

## **16. NESAVJESTAN RAD OPĆINSKOG PRAVOBRANIOCA**

Općinski pravobranilac Fikreta Kerić je u uskoj sprezi sa Begom Birparićem pri čemu nesavjesno obavlja svoj posao, ne izvršavajući svoju obavezu u provjeri zakonske procedure prilikom sklapanja ugovora, ne vodeći računa o poštivanju zakonskih procedura i štetnosti ugovora po budžet općine kao i ne podnošenje izvještaja Općinskom vijeću o počinjenim povredama u okviru naprijed navedenih i sličnih radnji, nego je u okviru svojih poslova davala samo pravno tumačenje ugovora u smislu pravno formalnih elemenata pravnog akta i jednogodišnje formalno izvještavanja Općinskog vijeća.

## **17. NEPOŠTIVANJE PROCEDURE OKO IZDAVANJA GRAĐEVINSKIH DOZVOLA OD STRANE BRIGIĆ FUADA U PERIODU OBAVLJANJA DUŽNOSTI POMOĆNIKA NAČELNIKA ZA PROSTORNO UREĐENJE.**

Prilikom izdavanja građevinske dozvole za stambeni objekat Merdanović Adema imenovani nije poštivao zakonom propisanu proceduru zbog čega je došlo do sudskog spora i nanošenje štete budžetu općine Banovići u iznosu od cca 150.000,00 KM što je dovelo do blokade transakcijskog računa općine Banovići što ukazuje na osnove postojanja korupcije i ne preduzimanja potrebnih radnji protiv imenovanog, od strane općinskog pravobranioaca a zbog tazbinske veze sa istim.

### **18. ASFALTIRANJE PUTA U NASELJU PODOSTRIC**

Izvođenje naprijed navedenih radova nije u skladu sa zakonom jer izvođenje radova ne odgovara plaćanju po ugovoru zbog čega je zbog pritiska Bege Birparića i Općinska komisija zadužena za prijem morala podnijeti ostavku. U narednom imenovanju komisije kao član iz prethodnog saziva ostao je jedino Salem Hasić koji ima ekonomski interes jer njegova supruga čuva dijete bratu Bege Birparića, a pored toga imenovani je u više navrata zloupotrebjavao svoju funkciju. Da se radi o pritisku na članove komisije može se provjeriti kod Huskanović Mersudina koji se na opisani pritisak žalio općinskom vijećniku Husić Midhatu.

### **19. IZVOĐENJE RADOVA NA ZGRADI SUDA**

Prilikom izvođenja naprijed navedenih radova, parcijalno su sklapani poslovi kao da se radi o više građevinskih jedinica iako se radi o jednoj zgradi, a sve u cilju izbjegavanja Zakona o javnim nabavkama (Poslovi na uređenju Općinskog suda, poslovi na uređenju Suda za prekršaje, poslovi na uređenju tužilaštva).

## **II**

Zaključak stupa na snagu danom donošenja i objavit će se u "Službenom glasniku općine Banovići".

**PREDSJEDAVAJUĆI OPĆINSKOG VIJEĆA**

Nermin Delagić, s.r.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA BANOVIĆI**  
**OPĆINSKO VIJEĆE**

Broj:10/01-02-390/13.  
Datum, 30.10.2013.god.

Na osnovu člana 13.Zakona o principima lokalne samouprave u FBiH (« Sl.novine FBiH», broj 49/06), člana 25. Statuta općine Banovići (« Sl.glasnik općine Banovići», broj 3/08,11/11), člana 96. Poslovnika općinskog vijeća Banovići (« Sl. glasnik općine Banovići», broj 7/06, 9/11), Općinsko vijeće Banovići na 17.redovnoj sjednici održanoj dana 30.10.2013.godine, razmatrajući Zahtjev za postupanje i izjašnjenja po hitnoj proceduri radi sankcionisanja počinjenih i sprečavanja novih krivičnih djela zbog osnova sumnje da je Općinski načelnik Bego Birparić počinio krivična djela organizovanog kriminala, zloupotrebe položaja i ovlasti, samovlašća i sticanja protivpravne imovinske koristi , donijelo je slijedeći:

## **ZAKLJUČAK**

### **I**

Općinsko Vijeće od općinskog pravobranioca zahtjeva izjašnjenje po svim tačkama u smislu da li je od pravobranioca pribavljeno mišljenje u skladu sa Čanom 66. Stav 2. Statuta općine Banovići. Ukoliko je pribavljeno mišljenje dostaviti fotokopiju mišljenja.

Od općinskog pravobranioca tražimo odgovore na slijedeća pitanja:

- a) Da li je Općinski Načelnik mogao vršiti ulaganja u kapitalne investicije bez predhodne saglasnosti Općinskog vijeća kada znamo da Općinsko vijeće nije dalo saglasnost za listu kapitalnih investicija. Pri tome tražimo posebno izjašnjavanje vezano za asfaltiranje svih putnih pravaca na području općine Banovići.
- b) Da li je Općinski Načelnik bio dužan da poštuje odluku Općinskog vijeća broj 12/01-02-271/09 kada je u pitanju namjensko trošenje sredstava utvrđenih članom 62. Zakona o šumama.
- c) Da li je Općinski Načelnik bio dužan da nakon što se utvrdio manjak inventara u Grab potoku, pokrene disciplinsku odgovornost službenika koji je doveo do manjka inventara.
- d) Da li je Općinski Načelnik mogao da vrši rekonstrukciju zgrade suda bez predhodno provedene procedure.
- e) Da li je Općinski Načelnik mogao samovoljno da određuje debljinu i širinu asfalta bez predhodno urađene projektne dokumentacije.

Od općinskog pravobranioca također zahtijevamo izjašnjavanje o činjenici da li je općinski načelnik svojim radnjama kršio Zakon, ukoliko jeste pravnu kvalifikaciju takvog dijela i visinu počinjene štete ukoliko je ista nastala.

Rok za dostavljanje odgovora je sedam dana.

### **II**

Zaključak stupa na snagu danom donošenja i objavit će se u «Službenom glasniku općine Banovići».

**PREDSJEDAVAJUĆI OPĆINSKOG VIJEĆA**

Nermin Delagić, s.r.



**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA BANOVIĆI**  
**OPĆINSKO VIJEĆE**

Broj:10/01-02-391/13.  
Datum, 30.10.2013.god.

Na osnovu člana 13.Zakona o principima lokalne samouprave u FBiH (« Sl.novine FBiH», broj 49/06), člana 25. Statuta općine Banovići (« Sl.glasnik općine Banovići», broj 3/08,11/11), člana 96. Poslovnika općinskog vijeća Banovići (« Sl. glasnik općine Banovići», broj 7/06, 9/11), Općinsko vijeće Banovići na 17.redovnoj sjednici održanoj dana 30.10.2013.godine, razmatrajući Zahtjev za postupanje i izjašnjenja po hitnoj proceduri radi sankcionisanja počinjenih i sprečavanja novih krivičnih djela zbog osnova sumnje da je Općinski načelnik Bego Birparić počinio krivična djela organizovanog kriminala, zloupotrebe položaja i ovlasti, samovlašća i sticanja protivpravne imovinske koristi , donijelo je slijedeći:

## **ZAKLJUČAK**

### **I**

- a) Općinsko vijeće Banovići obavještava javnost, da svakodnevno dolazi do novih saznanja o radnjama Bege Birparića načelnika općine Banovići kome je 79,90% birača iskazalo nepovjerenje glasajući za opoziv 12.10.2013.godine, a koje prema osnovama sumnje vijećnika općinskog vijeća imaju obilježja težih krivičnih djela počev od krivičnog djela samovlašća i zloupotrebe položaja i ovlašćenja do krivičnog djela organizovanog kriminala.Zbog toga je Općinsko vijeće i na današnjoj sjednici održanoj 30.10.2013. godine od nadležnih organa i institucija zatražilo postupanje po hitnoj proceduri kako bi se ispitale osnove sumnje, sankcionisala počinjena djela i preventivno djelovalo u cilju sprečavanja novih krivičnih djela dok Centralna izborna komisija BiH u svojoj proceduri ne potvrdi volju ogromnog broja birača i ne donese odluku o prestanku mandata općinskom načelniku na osnovu rezultata opoziva.
- b) Zadužuje se stručna služba Općinskog vijeća Banovići da ovaj zaključak proslijedi svim medijima.

### **II**

Zaključak stupa na snagu danom donošenja i objavit će se u “Službenom glasniku općine Banovići”.

**PREDSJEDAVAJUĆI OPĆINSKOG VIJEĆA**  
Nermin Delagić, s.r.

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**OPĆINA BANOVIĆI**  
**OPĆINSKO VIJEĆE**

Broj:10/01-02-392/13.  
Datum, 30.10.2013.god.

Na osnovu člana 13.Zakona o principima lokalne samouprave u FBiH (« Sl.novine FBiH», broj 49/06), člana 25. Statuta općine Banovići (« Sl.glasnik općine Banovići», broj 3/08,11/11), člana 96. Poslovnika općinskog vijeća Banovići (« Sl. glasnik općine Banovići», broj 7/06, 9/11), Općinsko vijeće Banovići na 17.redovnoj sjednici održanoj dana 30.10.2013.godine, razmatrajući Zahtjev za postupanje i izjašnjenja po hitnoj proceduri radi sankcionisanja počinjenih i sprečavanja novih krivičnih djela zbog osnova sumnje da je Općinski načelnik Bego Birparić počinio krivična djela organizovanog kriminala, zloupotrebe položaja i ovlasti, samovlašća i sticanja protivpravne imovinske koristi, donijelo je slijedeći:

## **ZAKLJUČAK**

### **I**

Općinsko Vijeće od pomoćnika načelnika za budžet, finansije i inspeksijske poslove zahtjeva dostavu fotokopije Elaborata o izvršenom godišnjem popisu za 2012 godinu sa posebnim mišljenjem o poštivanju zakonskih propisa u pogledu manjka inventara u Grab potoku, kao i od pomoćnika načelnika za prostorno uređenje i stambeno komunalne poslove kopiju zapisnika o primopredaji objekta u Grab potoku od strane Ministarstva za izbjegla i raseljena lica TK.

### **II**

Zaključak stupa na snagu danom donošenja i objavit će se u "Službenom glasniku općine Banovići".

**PREDSJEDAVAJUĆI OPĆINSKOG VIJEĆA**  
Nermin Delagić, s.r.